



寧澹齋全集序

孔子曰質勝文則野文勝質則

史文質彬彬然後君子子貢謂

文猶質質猶文語相似朱子又

以為失本末輕重之差蓋自有

叙

說孔子作春秋曰其文則史未

有質而何以為文未有文而不

出于質者史之文非彬彬奚取

焉春秋而下史才文人判而為

二史不必以文名文不必長為史



明興翰林院為史職非有文不  
得入史局而文章家亦以史氏  
為宗初沿臺閣體則質且餘  
迨乎德靖作者信而好古矣有  
其文煥然一新萬曆之季病

叙

其曰襲意在損今之文反古之  
矣而俚言卑調錯出迭興之不  
成文質不乖矣昂翰院諸  
公俯而從俗者容有之獨慈  
谿楊克之公以舉業之文兩魁

天下而所為古文辭粹然一出  
於正精心以思之博學以儲之  
修飾以裁之潤色以成之才不  
窘而不盡騁才法不越而不鬼  
泥法無粗厲猛起無綴屬陳言

叙

無強造非情無僻違弔詭無  
雕鏤纖巧至官公史其文非史  
酌于文質之中而用之者也昔顏  
籛論文河朔詞義正剛重乎氣

矣江左宮商發越貴乎清綺西

北觴質東南觴文地氣自北  
而南

高皇帝以江左有天下文為數  
于四海東南之美鍾於人文有  
若克之文如高堂東箭為國

敘

四

珍世寶有韻之詩不盡韻之文  
大言小言無不中倫籀所謂以  
氣理為心胷彙調為觴骨事義  
為皮膚華麗為冠冕非克之  
孰能當此者乎使史臣以克之

增重使文章以史局為貴每論  
東西南北撤其勝場囊括宇宙  
總攬人物以彰

高皇帝文明之運千古鮮儷豈不  
韙與余又聞之孔子卜得賁而

叙

五

嘆惡其文之著也說卦以賁為元

色從先進繪後素辭取達奢寧  
儉本末輕重之差紫陽議有  
自來克之以寧澹名齋披文相

矣孔門微言大義宛然在茲宜

其文彬彬乃爾君子人與君子  
人也

大泌山人李維楨本寧父撰并書



寧澹齋全集序

此余師琨阜先生遺藁也余嚮  
習帖括便誦法先生制舉義如  
航海然望爲斗極迨倖廁先生  
藥籠釋褐官部曹遂朝夕登堂  
炙餘輝聆緒屑如魚處濕蜂膳

序

一

其相習者久忘其大美之所自  
也今先生歿且七載始獲卒業  
是編遂奉其仲君世兄獻美屬  
而爲之敘曰文章經國大業古  
名公詰匠所以鼓吹人代黼黻  
隆平須是焉藉若是而徒取品

置泉石蒼蕞烟雲無當天  
下國家人倫物紀之用斯  
誠壯夫所耻或者操戈作  
者之堂高睨闊步詆訶三  
代以下先秦兩漢六朝隋唐  
諸名家曰我用我法安用  
祖禰他人句比而字櫛爲在

序

二

易有變化日新之旨顧不曰  
擬議之以成其變化乎夫擬  
之議之而變化成則先民法  
程何可廢也今夫詩稱律樂  
亦稱律樂不奸于律而後翁  
純皦繹之妙理成不取裁於  
法而才之驚譬

書者於篆籀蟲鳥然略未彷彿  
遽謂凌鍾跨王奴虞隸柳曰恨  
古人不見我也夫鬪蛇爭道之  
悟而師心杜撰捷得之乎彼其  
自謂新奇時識者已嗤其後矣  
先生才無所不際學無所不闕

序

三

蓄厚發徐出緒餘猶足千人腹  
果而往往受裁於法不惜屈吾  
才以殉之其爲詩若文贍而莊  
麗而雅博大精實而粹然還宅  
之和平非人倫物紀弗道也非  
經綸理學弗詳也非左國班馬

黃初大曆諸法程弗人趨而我  
步也今其集具在有典有則儼  
然先民正猶草隸楷行日新月  
異而篆籀之遺依然蟲鳥不知  
者以爲蟲鳥之遺跡也知者以  
爲擬議之變化而已矣所以然

序

四

者先生淵源家世宗派慈湖父  
子兄弟間自相師友每兢兢矩  
矱罔溢尺寸而發爲文章符券  
合焉嘗以所結篡度所嚮真屹  
乎有起衰八代胥一世返大雅  
之思而天不憖遺竟令公輔之

業賈志以歿雖然德功與言三  
稱不朽讀先生之言想見先生  
之功與先生之德和平爾雅秩  
乎其爲治世之音無疑也予小  
子魯繪天測海不能爲左氏之  
玄晏庶其爲楊子之君山乎因  
序

五

盥手而爲之敘

崇禎戊辰春正月曲周門人劉

榮嗣薰沐拜撰



寧澹齋詩集敘

蘇文忠云仁宗朝有十三榜數其前  
三人凡三十有九不至公卿者僅五  
人而已萬曆甲辰之榜琨阜楊公魁  
兩元海內想望其枚卜大展經綸太  
平之手而位不登上袞年不躋上壽

敘

一

往往致疑於人理歸責於造化將無  
蘇文忠之議論果未足信與抑亦時  
異勢殊前無援後無推與頃 皇上  
特敘公舊勞 贈少詹賜祭葬辮髮  
孤孫齒于胄子 聖天子恩至渥矣  
識者追悼公猶有出門折軸之恨余

曰是何足以知楊公也即以宋論由  
鼎甲晉公孤者獨王呂不媿科名其  
他或化為飄風冷煙或散為飛蓬敗  
藿兒童故老愕不能道其名位里居  
者何限而王龜齡張子韶文文山人  
品才華亘古今烜赫如故然龜齡子

敘

二

韶以禪為詩文山以流離顛沛為詩  
使人憤使人怖使人掩卷不忍讀讀  
不忍竟公當 神祖壽考作人之時  
遼充黔蜀靜于安孟士大夫不談兵  
材官良家子弟亦未有舞劍弄槊介

駟馬而馳者朝廷但妙選宿學巨儒

入侍 光考公等荷橐簪筆于鸞坡  
虎觀之間退而賦詩以咏歌至治獻  
酬羣心金石俱鏗廉肉相準藹然仁  
人之言粹然盛世之音公亦不自覺  
其和雅純深一至於此此皆時為之  
亦公遭際然也往吾友唐元徵謂余

敘

三

云 皇上深居法宮數歲不朝參輦  
下諸君子衷馬休休美食甘卧惟吾  
輩講臣間雞盥櫛亟趨建章門供奉  
東朝每遇雪虐風饕凍齒磕擊暑  
雨驟漲馬踣泥淖中病不乞假鞅掌  
焦悴視封疆外吏勞且百焉余曰如

公云講官殆無殘隙餘畧而吾讀琨  
阜楊公詩字鍛白鍊思路微紀律整  
魚魚雅雅無一語旁綴輕放者何以  
故元徵曰初楊君帖括之暇喜攻風  
騷駕輕就熟神調筆暢非入天木時  
始造次學有韻語也子直染其禁鑿

故

四

之一倪耳元徵者公座師唐宗伯也  
屈指此言相去不十餘年 光考纂

服購求遺簪故劍思得講幄舊臣而  
召用之元徵騎箕公亦遊岱當時如  
霆如雷朝野稱第一等人物無復在  
帝左右者幸詩文一百四十篇不淪

為泰山碑廣陵散則嗣君肩箴繕寫  
與門生卓令君捐俸流傳之力耳若  
夫廷對類董生典試類歐陽橫經竭  
沃心之忠掌制得代言之體高文大  
冊與旨宏辭近可獨步一時遠可垂  
耀千古非久將縣國門不令此詩孤

敬

五

行而已也公識鑒精明操履堅正得  
之王文成良知及閩洛豫章講學之  
益居多生平述訓惟清白孝讓為諄  
諄 朝廷世及之典請之次公而遜  
之猶子其門風雍睦可知矣官居金

馬養類木雞科名之外公別有天壤

俱敝者存豈必朝脫碧紗籠暮佩黃金印人羨黑頭帝詢黃髮為儒者蔗境槐宮之樂始大快然天下事豈能一手把握之哉公有道君子也度必點首於余言

天啟二年小春月華亭陳繼儒頓首

敬

六

撰



寧澹齋詩集跋

四明詩派自秘監登壇而後蓋寡。

竇和之秘監天才超忽饒有玄度。

其遭時逢主莫之與京方其簪筆

集賢淋漓草聖氣磅礴睨萬

乘而騫四造斯亦自喻適志真于

詩者矣今試衰衰鑑湖之曲流風

餘韻依稀與曠煙秋水映帶漣漪

乃知秘監之所為詩聊以言志而所

為不盡于詩者固令人神注意消

對遺編而追賞也讀其詩想見其

人得其所為自喻適志者可與言

詩也已矣吾

師

楊宮之詹先生以飽經第一人獨對

大廷于溫厚和平之教夙有殊解自

石渠掌故以還歲傳鶴禁之經日

橐龍墀之管無恙為詩也而

二

以餘研討所得于詩之教日以深所暢

于詩之旨日以富斯以揚抗風雅

邇漢魏之初源精心獨注微變商

流妙緒徐開秋澄春碧作者如林美

以言盡于茲矣天假之年以不律之

花為

感明鼓吹將不朽之業上下千秋而中河

陸月華嶽摧峯筆忽絕于獲麟

悲候識于賦鵬四明哉仰止何依吾

師乎三言且神遊鑑湖之曲乎吾師

歿而擇所遺寧澹齋集以行咏繹

數四神往之意消或曰先生所為詩其斯

三

以為自喻適志者與乃先生之志不

盡于詩而傳于詩者索解人不待也

吾師閱歷盡龍蛇席鼠之變其

神寧騁懷寄徵雲竦雨之餘其

致澹讀其詩想見其人其以寧澹頽

齋而因以頽其集亦各言其志也已

矣吾所清望重于

三朝渥恩覃于矣世鳳毛輝之屬在次之  
次之曰有猶子在取諸其懷而占之詩  
可以興次之倚力於寧澹固在趨庭  
領略之外乎通事遠事移孝于忠  
吾師式敷之詔爾之嘗試叶經誦

四

而升歌于廟堂其所以風厲可知也山靈  
有知其以四明當二箇端不使秘監擅  
千秋名予小子從而後矣

天辰壬戌陽月之朔莆陽門人卓邁頓

首百拜謹跋



對制策力請澄神慎德音接疇咨以  
奏其疑者灑、萬餘言

天子心儀之仍擢第一人蓋近代殊  
遇初獲自公矣已乃計先根本即以  
儲講請其言曰學以濯磨德性講授  
之頃必有竦然振勵之精神然後聽

叙

二

受真而體會至夫心之精神是為聖  
精神之振勵作聖之階也自哉斯語  
盖有堯舜其君之思乎比陟宮端直  
日講必肅衣問夜回事進覲不端、  
句讀為事故

先皇帝每改容聽受至以宏亮嘉之

精神之鍊有出于聲音之表者焉間  
輟講連章勸學剴切精詳載在史冊  
琅々可攷也既而

光廟嗣服嘉興宇內更始

國家二百餘年來神氣忽張元氣逾  
固靜極受之以動昭蘇旁魄上克續

叙

三

下克昌俄頃頓新關係綦大於都鑠  
哉夫孰知公所以啓沃者固居多也

士君子立朝實用三立憑以不打公  
德著賓師言垂金石當世已盡身而  
目之而或者以伊衡傳楫冒不須史  
輒先騎箕去致大用未竟以為惋惜

而又孰知啓沃之功所為

光廟濯磨德性振勵精神者固已大  
堪不朽耶蓋公從尊公見洲先生受  
慈湖文成之學淵源道德是以處為  
真儒出為名世以其緒餘發為文章  
有董太傅之該洽焉有司馬子長之

叙

踈宕焉有韓昌黎之宏奧焉有歐陽  
文忠之深淳焉有蘇坡仙之雄健焉  
上追先民一當作者公亦奚讓然亦  
吉光一毛耳載德與功而炳之千秋  
豈徒棚々焉修槩人之業以自予雄  
者哉即不佞老矣生平葵藿之私鯁

鯁國本恃有公啓沃以悅我懷來屬  
主上神聖紹庭陟降然竊聞事君克  
舜々

遺訓猶願以公講幄之旨為美芹可  
獻也海內有識之士潛而繹之以究  
公三立之歸趣則庶乎其知公云

叙

五

賜進士第中議大夫贊治尹太僕寺  
少卿

予告前戶科給事中翰林院庶吉士  
姻侍生姜應麟頓首拜撰



寧澹齋文集序

寧澹齋全集吾師楊琨阜先生所作也先生以歲之乙卯天下當大比奉

上命較順天諸譽髦司命文章

一

新安黃少川刻

權衡人物一時經其品題者靡不稱佳士信以菲材亦倖備數藥籠濫竽宮墻以故得師事先生其宏深奧齋靈珠

崑玉所得於管窺蠡測之萬

一者輒心識不忘今

上之四年甲子復試士於鄉竊  
憶曩時受先生國士之知缺  
然瓊報會先生次君集其應  
制酬會諸作索叙于余余忻

二

然色喜曰金薤琳琅久當梓  
行於世余何敢以不文辭點  
佛頭令天下不得覩先生之  
擣藻而斤、明照一室也嘗

謂

明興文章莫盛於館閣自潛溪  
括倉東里導源長沙闢戶其  
絲綸選暇滌火為章亦既紙  
貴鷄林犧傳鳳閣矣隆萬以  
來代興之權似屬旁落少季

三

凌厲高視壇坫遠裨法匠而  
近宗末師風尚所趨氣格類  
盡彼如春紅闔媽秋潦狂溢  
亦奚裨於用而垂不朽為讀  
是集而竊幸笙簧金玉之章

茅茁渾灝之氣尚留人間也  
先生鍾靈揚域儲精牛女負  
黼黻之性具綺練之才湛深  
經術博綜群史擷英咀華即  
未弁南宮而鍾鼓詞林領袖

四

文苑無不人，推先生矣亡  
何鵬奮鷲起以一經冠武林  
多士競傳其制舉義家習戶  
誦爭取矩焉已而上春官入

對

大廷首臚傳直禁掖詞源翰藪  
日取金匱石室之藏奇紀玄  
訓之載搜探漁獵益用隳括  
百家貫穿六籍緝翠萼於毫  
端揚清瀾於學海披文則金

五

碧交輝落紙則雲霞散綵鸞  
鷺呈其羽儀虎豹凝為炳蔚  
郁々斌々豈非天下之至文  
與昔人謂韓休之文如太羹

玄酒有典則而薄滋味許景

先之文如豐肌膩體穠華可愛而乏風骨張九齡之文如輕縑素練實濟時用而窘邊幅雖古之作者不僅、如數君子而有餘不足亦卞辭之

六

類也先生制策疏表傳畧誌狀碑銘文課語錄及神道墓碣麗牲之石爭微一言為重者莫不瀆發於巧心以理致為心胸氣調為筋骨事義為

皮膚華麗為冠冕構造宏傑  
縱橫紆鬱極先秦西京之變  
而洞括人倫物理之常蓋有  
臺閣規模而無其庸俗有山  
林雅趣而無其寒儉使讀者  
如登天府見天球綴珞錯列  
廣廷大劍高冠環侍左右又  
如登岱跋華觀日萬里之外  
匹練分明而不知其地位之  
崇攀躋都斷也亦何味不雋

永風骨不稜、而邊幅不整  
鎊耶益先生才高學富神清  
氣定故不必摹調襲格刻染  
煙雲與墨御蒸士爭奇於豪  
穎而直無不合所謂厚積勃  
發而山輝澤媚各闡玄倪豈  
區、雕蟲篆刻業哉詩賦裳  
華之四章而曰維其有之是  
以似之先生之謂也茲集行

敷治者奉之為著蔡學古者

資之為矩矱膏馥精華凌雲  
飛雪直與

皇上綦隆之治相炳朗奚至為  
魏田父所獲始疑之而卒怪  
之棄之惟恐不遠必不然矣

九

晉

天啓甲子穉八月黎陽門人劉

尚信拜手謹撰



寧澹齋全集總目

詩部

卷之一

五言古詩

卷之二

七言古詩

卷之三

五言律詩

卷之四

寧澹齋全集

總目

五言律詩

卷之五

七言律詩

卷之六

七言律詩

卷之七

排律

卷之八

絕句

寧澹齋全集卷之一目錄

五言古詩

贈劍篇

題歲寒松柏圖

館課

聞楚變有感

恒嶽篇

六月六日觀

鑿駕庫開晒

館課

長安秋興

范光祿爲兄上書志贈

寧澹齋全集

卷一日

一

魏少司馬追贈三世從其子宮贊請也

壽吳母何太孺人七十

有引

題畫

賦得玉壺冰

館課

壽宗兄近湖七袞

王烈婦詩

戲東鄞令柯季和年丈

有引

通天巖

題郝氏母子節孝

松下偶成

長壽歌爲秦太真

示朗真及惟楚

送陳伯爲年丈司李濟南

題葉母戚太君慕貞冊

有序

秋夜有懷尚友臺得甘露

贈德雲上人

自嘲

寧澹齋全集

八卷一自

二

寧澹齋全集卷之一目

終

寧澹齋全集卷之一

句章楊守勤克之甫著  
同社姚孟燿汝行甫校

五言古詩

贈劔篇

匣劔夜光寒耿耿燭天外一拂經年塵萬里絕  
氛怪攜此贈賢豪比之呂虔刀丁寧勿輕試恐  
駭鬪鷄曹

題歲寒松柏圖

館課

寧澹齋全集

卷之一

一

吳郡文時達刊

何人畫松柏寫出凌寒節凜凜嚴威飛矯矯貞  
心烈豈無桃李榮天艷非吾悅豈無蒲柳姿脂  
韋良足劣誰爲棟梁器誰與莫椿埒翠蔭盤虬  
龍孤芳傲霜雪我欲攜此圖長向官闈揭對景  
願自持慎勿輕摧折

聞楚變有感

皇祚旣已昌寶牒日漸衍岷岷楚雄藩跨有荆  
與沔維城良賴之而乃聞暴殄跋扈亦奚爲區  
區甘自翦詎不念靈源想  
遼訓典相彼披猖

勢踈盤事多舛荆棘皇路  
玉石盡灰揃寬髀  
非理解芒办安可割履霜誠足虞乾綱戒選輓  
合彼觸網魚寧爲几上鸞無罪惜淪鋪慎哉平  
决讞恩威庶並行周議重天顯

恒嶽篇

誰將河北地歛手入胡戎恒嶽乃内徙千年恨  
不窮聖明奮神武雪耻除元兇幅員亘禹服車  
書擴帝紘柴望通北嶽懷柔格玄穹耀德不恃  
險封禪豈所崇登壇命方虎仗鉞簡非熊帶礪  
寧澹齋全集 卷之一 二  
星碁布金湯保障雄垂衣光有道重譯永來同  
微臣快歷陟攬筆紀皇風願言備箴警宣室對  
虛衷

六月六日觀 鑾駕庫開晒

館課

炎夏扇赫曦司常肅典故啓鑰鹵簿陳中庭敞  
玉輅彤彤綠耳箱閃閃翡翠羽軫衡五色紛倚  
較重牙布六材信孔良七香隨風度華轂絢朱  
斑文軾映赤鷺度藏日以久展視益渾固僕臣  
想拂拭仙仗思擁護輿輶  
言來彌轡傳臚句

欲作乘輿箴擬裁扈蹕賦  
村駕六龍郊丘戒  
輦路且以視常朝羣工競嵩呼

### 長安秋興

長安秋氣蚤景宇忽蕭蕭高旻淨織雲涼月迴  
清宵露淒紛落葉風急快鳴鵬旣驚蒲柳摧亦  
感蕙蘭凋西山飛爽氣平原何次寥候蟲喧古  
僻城烏起夜刁庭梧蔭牖短霜鐘出禁遙俯仰  
意何窮極目情無聊然燈燿素幔揮筆寒斗杓  
讀罷悲秋賦浩然發長謠

寧澹齋全集

卷之二

三

### 范光祿爲兄上書志贈

迢邐入燕都周道修且阻舍車就徒行况乃歷  
寒暑我馬旣已瘖我僕亦云瘡所念在鵲鴿中  
心如荼苦抗疏代陳情血誠籲丹黼世路險艱  
腸人情覆雲雨咄哉市道交豈不謬期許患難  
一當前覲面不相覩所以嗟良朋孰如我同父  
爲君賦友于此誼足千古

魏少司馬追贈三世從其子宮贊請也

聖代崇勛庸世德邇衰將

哉多田翁市義良

慨慷別駕紹家風明經發音題輿天水濱戴  
星任執掌寧我摧科拙而乃懷滄悅浩然賦歸  
來長林恣孤往清白起箕裘翊接扶搖上司銓  
勵丰標開府廓安攘允塞宣王猷抗疏竭忠讜  
獬獬鋤其魁戎醜扼其吭鴟鴞懷好音蛇豕願  
稽顙方題麟閣名乃結班衣想大星忽墮俎英  
靈敝天壤旂常紀膚功功懋懋世賞詞臣振青  
箱出入承明愧陳情達宸聰重綸下仙仗龍章  
奕葉新廟祐肅精爽繁水流湯湯零露時灑灑

寧澹齋全集

八卷之一

四

還期四世封君恩正浩蕩

壽吳母何太孺人七十

有引

累封何太孺人余友吳明仲給諫母也  
明水飛泉儷金仙而毓質靈山映彩兆  
玉樹以揚輝宕渠表却鮓之風瑣闥盡  
批鱗之盡恩載旌其內教社羨錫于  
北堂巨核結已三千瑞莢呈方七十時  
逢秋序分湛露于金莖喜集芳筵迓祥

烟于瑤島磊磊白

在望翩翩斑衫華

傳猶子效發興之、  
怪句代雙成之曲  
高秋月何皎照彼新川  
濁寶發湯清輝華滋下  
層岑唯此松筠姿鬱鬱  
垂繁陰貞心貫皓魄秀  
榦殊蕭森蒼鱗布雲霧  
鳴鳳和璆琳睠言崇令  
德青鳥遺之音重綸既  
賁只介福紛且壬稀齡  
瑤宴開蘭砌羅華簪度  
索蟠桃實瑯瑤奏雲林  
何來舞斑意千里夕垣  
心鼎釜未足娛顯揚寔  
所欽爲爾祝岡陵歲歲  
蒸龍霽神功滲垓圉四  
海頌爲霖

寧澹齋全集

卷之一

五

題畫

結廬在深村往來絕人跡  
煙雨正濛濛萬慮此俱寂  
閉戶理匡牀獨臥悟義易

賦得玉壺冰

館課

玉壺清以冽况復寒水結  
入鏡玻璃浮照月銀河徹  
寒氣逼瑤臺風疑廣莫來  
皎然澄智府何自涿塵埃

壽宗兄近湖七袞

吾宗源長發華陰開靈源  
滄慈水濱大隱標

清門慶雲旣縣邈潛光高  
丹扃軒有令子家  
風藉以敦壯年羞雕篆而乃棄抽繡課耕代祿  
入息機耽灌園短褐不厭體傲彼衣如璫展業  
培素封朴畧絕囂煩守餅固三緘匪言勿出言  
知盈處其窪畫地懼觸藩流水不患腐戶樞無  
蠹痕惟勤益壽命旣翕洽同根蒸嘗潔芳俎節  
序開清樽蒐裘手自營含飴弄諸孫稀齡髮未  
皓矯捷時掀掀秋實介春酒賓朋競歌喧蒼松  
寒乃勁芳桂冬更繁願言飄天香翩翩來後昆  
寧澹齋全集 卷之一  
六

王烈婦詩

有鳥辭其雄哀鳴悲且切鏡鸞憐自窺一朝遂  
殞絕豈不愛此生生爲綱常滅豈貪身後名  
與柏舟列愧彼鬚眉人醜顏甘毀節彤管洵有  
燁爲爾標芳烈

戲東郵令柯季和年丈

有小引

季和令郵四載予未嘗以尺牘干矧居  
苦塊卽杯酒弗及接也偶從一先達夜

坐見燈彩瑩然光綉席問之主人曰

此令公所以分末耳余慨羨良久仰  
而歎曰若夫闇沒者其不得耀于光明  
乎即席爲戲柬以此首

愧我迂疎性無書抵令公令公有深愛對坐披  
清風末光非我靳所照在民窮闡闡遍膏火袴  
繻餘女紅我懷良足慰良宵勝事同願君佐明  
主玉燭照垓紘

通天巖

青山隨地佳豈必故園好但得此身閒塵寰亦  
寧澹齋全集

卷之一

七

蓬島西林日初暮明月來何蚤醉臥石床深洞  
雲猶未掃

題郝氏母子節孝

世道係倫紀正氣來鴻濛所重在節孝芳名摩  
秋空有美任太媪烈烈丈夫風韶華賦別鶴愧  
彼雙飛鴻矢志薦棺槨肯與儉生同淚漬衣衫  
赤血濺刀纒紅從姑緩一死撫孤抱千恫茹荼  
理窳窳含酸和九熊機聲徹晝夜董帷寒暑攻  
敬姜母儀在介推子道崇一徽安足慕舌耕以

樂窮西坡却遺金方古披裘翁形影永依倚對  
景時悲忡母兮倏不弔子亦旋考終節孝兩無  
愧靈寃返蒼穹蒼穹爲感動伯也奏膚功食報  
方未已視天豈夢夢

松下偶成

跌坐祇林下颯然松風生爾時心無住聽松杳  
無聲聲從何處來更從何處滅不滅與不生願  
爾從頭說

長壽歌爲秦太真

寧澹齋全集

卷之一

八

咄咄太真子丰姿清且寒生長閩闕家而厭奢  
華觀裋褐以爲適製褲爲之冠緩步當車騎晚  
食勝珍餐萬事解破除斗酒飲立乾醉來呼童  
稚爲我烹龍團博奕非吾好勝負平等看俯仰  
塵世間孰生悲與歡年華過五旬顏色如渥丹  
何必服靈餌何必考澗槃嗟彼役役者心力徒  
自殫蠅蝸豈戀人駒隙隨奔湍何如長生秘浩  
歌天地寬爲爾賦行樂願言同芝蘭

示明真及惟楚

飛劍爲降魔咀水因驅屨摠在太虛中何從生  
客氣和光同其塵此是老君意

送陳伯爲年丈司李濟南

全齊古雄藩司李今名哲燕臺發星軺渤海望  
旌節去去風采馳矯矯霜稜掣先聲破鬼神嚴  
操凜冰雪張輪未埋亭冀繩潛解結俊鶻搏秋  
風封狐遁幽穴滬彼滄海源登斯泰岱絕封雲  
陋漢儀磨崖探唐碣鄒魯訪遺編瑯琊弔餘烈  
所志在澄清巡行職旌別勿採東阿譽能辯談  
寧澹齋全集卷之一

九

題葉母戚太君慕貞冊

有小序

天舌釜魚識范廉梁瓜獎蘇潔皇路賴清夷世  
風藉提挈從此慰宸聰召以補袞闕

慕貞戚太君葉大令春卿王母也皜節  
勁操流傳里閭方背所天矢心同穴已  
忍死顧兔給奪弗搖題主慕貞預祔家  
廟日事泮泮統以給飭粥仍媿媿課子  
若孫用亢厥宗比春卿登第陳請 賜

旌天之報德若有待也不佞幸厠葭莩

之末夙欽懿節愧無能闡揚爲悼史削  
聊抒下里漫贅如椽

東蹊容灼灼噓拂韶春姿西澗鬱孤松淒其凌  
寒颼一從煦以媚一從沍轉翠煦沍會有時修  
短何相齧有美埒共姜蚤雅柏舟殃題主先禰  
寢顧兔且徬徨形影弔殘寇號天泣欲吞茹荼  
猶茹薺植兒兼植孫蒼蒼良不爽孫步瀛洲上  
首將閭闔排陳情動霄壤帝咨曰卓哉筭黛真  
男子溫綸下巖廊棹楔標倫紀簪紳頌津津霜  
寧澹齋全集卷之一  
十

似貞操古疇擬一片匪石腸秋月澄潭水

秋夜有懷尚友臺得甘露

臺在浦江縣

憶昔清秋夜同登尚友臺流霞浸溪水明月桂  
城隈浩歌興不淺響答玄猿哀臺空落梧影四  
望絕氛埃露華中宵下流照光皚皚挹之已盈  
把味之甘若醅恍向仙人掌分彼金莖杯斗杓  
忽西轉海曙從東開攬筆却自喜紀瑞徵後來  
瞻懷十年事秋夜常徘徊逢人問佳境此臺今

在哉

贈德雲上人

德雲善知識獨冠五十三趺坐說妙乘諸佛俱  
來叅願求一著筆作大阿毘曇度世一切厄同  
時登伽藍

自嘲

少年頗好書中歲患肉緩至今追悔遲來日更  
苦短理髮漸鬢髮披裘過個款蕭散任吾真時  
平自衍衍

寧澹齋全集

卷之一

七

寧澹齋全集卷之二目錄

七言古詩

元宵行

館課

觀 聖祖畫孝行及身經歷艱難戰伐圖

有感恭賦

館課

姚子雲年少遊燕予壯其行贈以長句

趙松雪滾馬圖

躍龍山平方正學先生

閏九月九日觀菊

寧澹齋全集

卷二目

觀山叔以詩見示步韻荅之

邊塞苦寒吟

館課

東溟圖爲高開府賦

劉義齋老師清道觀小集

題金門待漏圖

王孝子歌

丘遠程年丈郎君英畏喜而賦此

溪山小隱歌爲柏亭張隱君

有小引

戲詠並頭蓮

送別顧中瑜父母之任金陵

松筠祝壽歌

立馬吳山巔送封九第

周懷魯開府請告拂衣時予適過吳門

悵焉贈別

贈包處士

薊門行送友人賀萬壽節事竣還任

劉策齋父母治慈有聲追祀名宦其孫宗

魯太學千里謁祠詩以贈別

寧澹齋全集

卷二

二

章溪竹隱

馮山人以書名家因其壽爲賦

八駿圖爲陳元揮

姚汝宣明府稀齡初度時有母太夫人年

逾九袞矣汝宣戲舞班禰純孝彌篤瞻

言盛媿是用作歌

閱宋史監門鄭俠上沛民圖有感

館課

擬唐文皇以誕日宴舊臣弘文館十八學

士于內殿聯句

柏梁體

館課

遺世歌贈皇甫觀幻  
冬宵引司馬承禎體  
贈勞畫士

軍澹齋全集

八卷二目

三

寧澹齋全集卷之二

句章楊守勤克之甫著

同社姚孟燿汝行甫校

七言古詩

元宵行

館課

皇都春色接蓬萊元夕韶華蕩地來月明如洗  
銀河淨萬戶千門次第開曩時天子樂民樂玉  
樓紫禁疏魚鑰雉扇鑾輿出九重金蓮達曙光  
灼燿鰲山高插碧雲中丹擘花曠凌崆峒火樹

寧澹齋全集

卷之二

一

星橋連皓魄魚龍角觝舞迴風已聞聖恩深似  
海此夜民間恣驩愷五侯七貴逞驕奢舞榭歌  
筵齊列綵坐擁翡翠高雲鬢玳瑁襟佩和銀環  
爐獸蘭薰飛寶篆月華燈影輝朱顏醉遊花衢  
逞姚冶曳履連袂闌都雅追歡笑出玉芙蓉萬  
炬圍中試步打奇童老叟盡謳呼天子臨門觀  
大酺羣工屬和天顏喜萬年此夕長歡娛邇來  
同此元宵月浮影流光怕消歇光明有燭照逃

亡私情遙擬排金闕

觀 聖祖畫孝行及身經歷艱難戰伐圖  
有感茶賦 館課

腥羶一片溷真宰中原九鼎將安在真人仗劍  
起鍾離劃開雲霧分華夷九法三綱重匡直地  
誼天經立人極古來至孝屬聖主圖史分明著  
儀式南北間關餘百戰白下清寧闢畿甸艱危  
數字皇陵碑勛業千年奉天殿畫史奉詔寫輕  
絳秘閣傳來十一朝琬琰光華生赤玉縹緗掩  
映近雲霄小臣拭目瞻宸畫祖訓洋洋勒金石  
寧澹齋全集 卷之二 二  
創業艱難信如此莫以金甌輕一擲  
姚子雲年少遊燕予壯其行贈以長句

太史南浮下會稽青蓮去蜀道荆楚由來古人  
事壯遊豈辭跋涉憚修阻况乃豪傑聚皇都仗  
劍相從夙期許子雲才藻韞風流睥睨儕輩誰  
可語眼底青雲足下生直須扶搖便翀舉少年  
不羨五陵豪雄文饒作三都叙一朝挾藝赴京  
華兩腋乘風正秋序經行弔古攬星霜忼慨悲  
歌動禾黍千里長征若等閒五雲深處時廬旅

縱觀宮殿入穹霄還尋宛委抽鴻緒快來攜客  
訪瀛洲幽探曳屐窮西壑帝京有賦動王侯長  
安春色生毫楮子長大業富縹緗謫仙詞翰盈  
囊貯肯同彈鋏歎無魚應笑鬻金如嚇鼠驅歌  
唱罷贈君言世路悠悠忌才譖虛舟不怒衆所  
歸谷王善下在所處天下從茲盡識君賢豪傾  
蓋投心替他年首上黃金臺玉筍班頭推舊與

趙松雪滾馬圖

子昂翰墨妙天下技精山水更善馬等閒寫作  
寧澹齋全集卷之二  
鐵騅圖梧桐樹下滾駒踪躡電追風四足懸尾  
花飄散飛寒烟仰天噴薄塞艸偃駑馬驚聞不  
敢喘已聞漠北多神駒此馬毋乃慣長驅可憐  
鐵騎躡中原一朝華夏淪腥羶中原生靈方切  
齒吁嗟畫馬誰氏子

躍龍山平方正學先生

躍龍山前洗馬池山池夾溪溪水澌山鳴水沸  
龍欲吼中有正學先生祠正學精忠炳竹史浩  
氣到今塞兩儀卓哉完節天所昇從容就義無

難詞吁嗟泰山鴻毛等一死臨危愛身誰復知  
先生豈不達氣數而乃鼎鑊甘於飴九族同誅  
良太慘萬世有君安足辭身騎箕尾依日月凜  
凜英魂何弗之聖明繼起旌忠特年年桑梓薦  
尊匱偶逢直指勵風化遷祠就邑敞新規我來  
弔古登斯麓讀罷貞珉心獨悲存亡豈隨祠興  
廢縵城靈跡永不移君不見蒼松勁柏標孤幹  
挺然生氣常如斯於都昭代歷無筭汗青垂照  
胡窮期先生心事向誰語吁嗟苑結兮于彼首  
寧澹齋全集 卷之二

四

陽之側孟津之湄

閏九月九日觀菊

西風再度重陽節陶徑黃花香未歇  
冷艷寧容蜂蝶窺貞操祗許松筠列  
東籬把酒暫徜徉依舊南山秋色蒼  
聞道延年種最美采來願佐聖人觴

觀山叔以詩見示步韵答之

騷人鍊詞復鍊格榴皮日爲題詩擘  
擣樽長入綠花鼓醕酌花前還舉白  
醒來倒着折角巾豪

吟憂玉笋無人眼中變態付流水意氣往往凌  
秋旻平生遊跡不堪紀垂老勝情猶未已春來  
知復爲詩忙不覺堦前長蘭芷

邊塞苦寒吟

館課

一陣西風開虜絃玉關黯黯迷寒烟千里萬里  
凍雲合塞南塞北陰冰連陰冰連弓人徑滅馬  
悲嘶弓猿鳴咽胡笳斷續刁斗稀毳毛盡脫鷄  
衣絕足瘴瘡膚寸裂還將熱血膏金戈忍見枯  
骸填積雪胡兒習慣多雄驍打圍搏獸獻天驕  
寧澹齋全集 卷之二

五

可憐漢兒素怯不敢敵一聞虜絃之聲輒轉銷  
魂銷尤怕說家鄉浹歲中原被水傷棄家鬻子  
延殘喘捉襟肘見無完裳

東溟圖爲高開府賦

東南溟渤巨扶桑洪濤巨浸掣蒼茫昔時鯨鯢  
恣出沒徵兵撻伐何張皇一自承平數十紀薄  
海夷氛漸萌起九重東顧嚴隄防特簡元臣讐  
蛇豕元臣誕降毓蓬瀛氣凌霄漢吞河濟擘曜  
星文貫斗杓垂天雲翼搏扶搖觸邪共識柱下

史平反狂狴生苕蕭一朝秉鉞鎮南服櫬槍不  
動狼烟銷撫綏兆庶固吾宇徹土綢繆先未雨  
俯諏謠俗揖冠紳談笑風流揮玉塵赫聲直震  
薩摩洲殊威遙暢彭湖嶼揭來大纛下蛟川扇  
帳風高刁斗懸萬里澄波開水鏡九天晴色照  
華筵筵前饒歌發喧吹競撾鼙鼓聲闐闐宿兵  
不用勤征討海舶重來遵貢道坐看蜃氣勾樓  
臺隱映蓬壺與瑤島堪嗟漢室事窮兵百萬空  
輸貳師老飛書奏績入彤闈勒鼎銘常錫等威

寧澹齋全集

八卷之二

六

中樞虛席遲方虎信宿東南有袞衣

劉義齋老師清道觀小集

吾師浩氣吞溟海勁節凌霜揚在在一朝旌騎  
蒞名小山望郊原騰瑞靄瑞靄氤氳遍野田高  
峰岬屹插蒼烟東來岱嶽靈源遠西接蓬萊近  
目前慷慨豪吟絕峭壁人瑞山靈兩相敵啣盃  
坐向玉壺天珠璣談笑分餘瀝况乃春風拂花  
懸絃歌百里迎春燕朱轂遙臨白屋輝綺筵密  
擁青山絢何當行色催馬首促膝傳心良未久

只今誣鎮入豐碑呵護明神永不朽

題金門待漏圖

一從解褐次鷓聯幾度丹心向日懸晨起鳴珂  
趨鳳闕聽盡嚴更五夜傳五夜螭燈想宣室允  
天翠輦瞻清蹕金莖露濕曙光寒玉殿雲開香  
霧溢鳳詔俄傳出建章銅符乍縮向河陽鳴琴  
咫尺天威近又捧綸音附末光

王孝子歌

丈夫七尺孰無效棄親不顧胡爲子聞管倭夷  
率澹齋全集

卷之二

七

鹵掠來逃亡稍後無活理憐君至性戀親慈百  
計哀哀竊負時捐金竭力不得免殺母寧甘身  
受之受刃旣甘猶戀母母有覓飛無路走倭奴  
駭顧頗回心白髮依然保領首母得保兮子孝  
殫重泉之下心且安愧彼亡身及親者滅頂通  
天見性難彼昏不知那足論還嗟豪杰多遺恨  
仗劍歸劉却爲名絕裾罔惜營方寸君名蚤已  
蜚鬢校苟全血肉詎稱孝凜凜生氣塞兩間流  
傳百世敦風教天子揚廟方日新標題崇祀沛

恩綸九原此日應含笑更喜承家有後人  
丘遠程年文郎君英畏喜而賦此

君不聞國朝元老推文莊六歲能成七步章登  
朝獻納綜今古石渠著述何輝煌詞宗今見遠  
程氏龍門才識漢太史庭前英物真鳳毛舞象  
之年遂鵠起讀書一目可十行落筆千言出片  
晷冲襟曠度更汪汪不數當年千頃黃橋梓文  
章應蓋代名山大業歸青箱

溪山小隱歌爲柏亭張隱君

有小引

寧澹齋全集

卷之二

八

夫市朝濃艷丘壑寂寥兩者舛勝羶濃  
苦寂則所求大也然形受備勞心受備  
綽亦太苦矣夫惟小故能隱其小也所  
繇碩且寬也君之意儻謂是耶爲之歌

溪山寂歷境悠然中有張克領趣偏世上榮華  
誰不喜翁視簪纓等敝屣簿書蚤解賦歸來剡  
溪領畧佳山水頽然箕踞幽林下清泉一勺塵  
心寫縱目掀髯拍手歌山鳴水應聲傳野溪鷗

可狎麋可馴短褐翩跹一角巾山采蕨薇溪采

若好奇來過不厭頻漫言風月溪山小樂在其  
中趣不少終南衡嶽亦何爲靜裏營營雙髻皓  
戲詠並頭蓮

碧沼新開並蒂蓮紅衣相抱月明眠齊含瑞質  
超塵埏雙點頭神欲顛曉風微送笑嫣然肯  
向凡人共乞憐我欲攜之向綺筵恍疑二妙俱  
來前君不見清秋漸近月華天嫦娥孤怨自年  
年廣寒却妬花爭妍司花仙子偶無權花分兩  
朶絲徒牽

寧澹齋全集

卷之二

九

送別顧中瑜父母之任金陵

我師原是玉堂仙暫借句章作良牧盡日垂簾  
寂徑苔公堂有琴時度曲直道何知阿上官潛  
抑中涓杜苛督百里絃歌坐惠風均清徭役公  
私足德政傳聞紀漢屏特進西曹清狎獄金陵  
本是舊桑梓沙堤踏遍誇新築十里江花濯錦  
鮮一春鄉樹迎車馥何當烏鵲競攀轅借寇一  
載已不復慈山幽可探慈湖清可掬公來湖山  
佳公去湖山俗止餘明月照青渠還看湛露零

黃菊嗟予碌碌困蓬茅遭逢拂拭回寒谷方期  
化雨日浸淫而乃仙舟催迅速綠遍桃蹊感自  
深青垂柳舍愁如簇悵望雲山天一方驪駒歛  
賦聲斷續公今此去江帆開應念蒹葭方極目  
飛鴻矯矯自南來儻然好我貽金玉

松筠祝壽歌

君不聞虬松偃蓋高千尺伏龜栖鶴濡玄液聚  
脂飛節作龍形人間取冠長生籍又不聞琅玕  
敷綠出高岑梢雲防露積深陰練實結爲鵝鳳  
寧澹齋全集

卷之二

十

食翠筠鬱鬱如松心二物凌霜并傲雪貞操不  
共凡昌折大端曾載禮經文生人誰與清芬埒  
劉君華胄却含醇崇儒秉禮何恂恂逃名愛讀  
岐黃訣難經素問咀其真尊生術秘童顏駐矯  
輕不讓倥傯步松竹蕭森對畫屏清風颯爽生  
疎櫺君兼賞鑒號博古靜中歷涉圖書府高譚  
雄辯擅人羣持以三緘不輕吐稀齡杖屨逆蹕  
蹊賓朋爽闇集芳筵飛觴共祝君沉醉歲歲松  
筠同晚翠

立馬吳山巔送封九第

吳山高插武林城立馬峯巔四望橫廣寒飄下  
天香碧就手攀來纔咫尺知君袖有紫泥九函  
谷關封談笑看氣寒牛斗歌聲午睥睨吳山等  
樓土

周懷魯開府請告拂衣時予適過吳門

悵馬贈別

皇家財賦倚東南舳舻嘶尾如飛駿帝宣周公  
肅將吏撫綏大化蘄遠覃昔日朝陽看鳳舉直  
寧澹齋全集

卷之二

十一

聲索上聞當宁鷹冠我我善觸邪擊盡城狐與  
社鼠今來吳會懸福星霜稜冰節炳三靈素絲  
脫粟風有位詰戎震厲鞭風霆百僚承之庶邑  
理萬姓歡呼四野起溟海鯨波靜不揚降帆貢  
舶歲如市三吳列郡仰熊車美利皆與宿蠹除  
共言萑藪絕寇警誰道中山有謫書公曰吁嗟  
世已非浩然決去返初衣節旄乍出松陵道士  
庶徬徨失所依攀轅臥轍唯恐後只願叩關一  
借寇君門萬里那得聞公歸自此恐不復我念

吳民情孔亟臨岐黯爾無顏色言將圖繪留儀  
容長使清風愧貪墨

贈包處士

君不見躍龍山下溪流沸聲如雷吼光徹天又  
不見岩前蒼松結翠蓋時有瑞鶴來盤旋地靈  
應產人中杰如君幸采何踟躕德星聚里輝華  
屋佳氣盈門護綺筵君之季子夙英俊負笈從  
予盖有年追陪此日見金石傾筭示我珠璣篇  
秀色逼人堪把玩知爲萬選之青錢酌酒祝君  
寧澹齋全集 卷之二 三  
爲君贈抽毫揮洒盈霞箋愿君保艾與引翼彌  
高彌邵永無愆萬石燕山全福祚簪纓奕葉聲  
蟬聯

薊門行送友人賀 萬壽節事竣還任

萬年天子宴蓬萊九天宮闕鬱崔嵬簪紱繞堦  
執玉舞越裳航海奉琛來縈爐香裊千秋鑑祝  
岳雲回萬壽杯萬壽千秋樂未歇四方五玉辭  
天闕風雨滿城落木秋此夕故人從此發大旆  
連旗碣石雲紅亭綠酒金臺月十年一遇未成

懽孤帆萬里愁漫漫愁絕驪歌不忍聽薊門山  
色饒佳勝歸途不盡祝岡陵回首宮雲日未暝  
劉策齋父母治慈有聲追祀名宦其孫宗  
魯太學千里謁祠詩以贈別

劉君毓秀匡山埜英姿磊落饒都雅袖繡鄴架  
纘青箱染翰摛詞妙天下舜江淵源長發祥竭  
來禹蹟歷句章句章神宰晉王父百年惠澤垂  
甘棠君至會當崇俎豆雍容主壘歸華胄橋門  
觀聽極歡呼共信仁人應有後何當別緒乍西

章晉齋全集

八卷之二

三

東忼慨臨岐氣吐虹此去壯遊驚嶽瀆遍搜名  
勝包鴻濛子長足跡周寰宇作賦登高跨今古  
三策携來獻帝都萬言直上酌當宁金臺馳驟  
意飄揚隨世功名非所望精鋼秀幹遺風在亮  
節徽猷道脉長世儒標榜規名利僭王猾夏渾  
如醉聖真嘿契在忘筌良知內印原無意慈湖  
新建共根源悟到從頭衆妙門君家衣鉢流傳  
久勛烈文章詎足論

澄澄江水向東流，有隱君來夷猶試問隱君  
誰是者竹林笑傲七賢儔，七賢恣飲詎不放  
俗祇貽世道憂，隱君好酒洽天性，樂存名教長  
優游清風徐來動，修竹漳泉隱應聲，悠悠泉堪  
嗽，葢竹堪餐乘除寧復問春秋，我哀世間塵埃  
士對飲此君能無羞，樂性完真天地濶，竹林鬱  
鬱成丹丘。

馮山人以書名家因其壽爲賦

馮君善書法臨池意軒軒少壯入精妙老去更  
寧澹齋全集

人卷之二

古

瀾翻宛轉不斷石藤跡急直時如屋漏痕驚蛇  
飛鳥旣奇絕蠅頭蠶尾尤專門世人莫笑不濟  
貧換鵝換羊價不論願君年年常書百壽字百  
年之內積成萬壽獻至尊

八驥圖爲陳元揮

由來良驥比君子八駿何如周八士况乃鍾英  
介胄家鷹騰虎闕種相似陳君偶儻抱干城生  
時上應房星精少小甲兵胸百萬壯志封侯願  
請纓承家闕閱能謙讓詩書禮樂稱儒將不與

駑駘同皂櫪豈隨泛駕爭跌陽君不聞國馬孰  
與天下馬試讀蒙莊辨真假君直麒麟閣上人  
還誇龍種羅庭下殷勤爲題八駿圖願韜逸足  
待長驅聖朝不惜千金價用汝橫行滅羯奴

姚汝宣明府稀齡初度時有母太夫人年  
逾九袞矣汝宣戲舞斑斕純孝彌篤瞻  
言盛媿是用作歌

君不見老萊遜世特全身三釜猶然未及親  
節高堂久寂寞陶然自謂義皇人孝義貞操兩  
寧澹齋全集卷之二  
十五  
莫負千古寥寥誰獨有事君豈必能事親碌碌  
風塵空白首得天天復與全昌孰是姚君樂且  
康蚤歲騰驤驟皇路聲華事業何輝煌到處蒼  
生沐霖雨棠陰蔽芾歌未已拂袖歸來髮未斑  
色養慈幃恣所歡怡怡昆季式相好次第起舞  
娛阿媪年來蚤已過稀齡含飴弄孫若未老母  
年百歲齒復兒笑看玉樹滿庭墀每逢花晨奉  
行樂曾玄遠膝爭攜持爲君作歌歌載賡窺君  
眉宇色轉嬰願言橐筆似千古樂事高風誰與

閱宋史監門鄭俠上流民圖有感

館課

宋室青苗等商賈上干驕陽毒太苦鴻鴈劬勞  
哭載途小臣亟上流民圖十日不雨願斬臣三  
日甘霖起涸鱗天人桴鼓已如此胡乃苛令復  
旋申我哀憚人發永歎君門萬里難披肝靖康  
貽禍誰為者極目流離心欲剗

擬唐文皇以誕日宴舊臣弘文館十八學

士于內殿聯句

柏梁體

館課

寧澹齋全集

卷之二

十六

武功文德綏靈長

文皇

撫宸拱極依末光

杜如晦

運籌出入恢皇綱

房玄齡

秘監竊窺二酉藏

虞世南

諫獵敢比賦長楊

褚遂良

離宮願畜君堯湯

姚思廉

曳裾授簡賴垂裳

李道玄

文學纂修止後梁

蔡允恭

高岡際遇慙鶴翔

薛元敬

秘書奉命登四方

顏相時

帶經遊藝愧諮詳

蘇勗

諫苑罔荅寵非常

于志寧

願比譎諫箴披香

蘇世長

肉譜人物妄較量

李守素

離經博古聊闡揚

陸德明

屬文議禮贊明堂

孔穎達

春秋三家臆表章

蓋文達

著作貂續河東郎

劉孝孫

國史載筆紀無疆

許敬宗

遺世歌贈皇甫觀幻

三吳書淫氏皇甫胸中經濟羅今古曾叅帷幄  
領元戎百萬甲兵嚇於虎功成無意戀封侯一  
朝拂袖五湖遊接籬短筇履不借原上長風舞  
白鷗鷗可與麋可侶我生非我有真樂共誰語  
襟懷洒落出塵寰穿雲躡嶠叩玄關形骸離却  
併懽伎睥睨縣車若等閒蒼華種種垂蕭瑟  
峰纍纍殊萃嶺神舒綺浩常胡盧步軼義皇任  
寧澹齋全集

卷之二

七

坦率與來咳唾生雲烟龍蛇驅走盈霞箋風流  
文采追王謝騷雅翩躚稱謫仙朝來玩物華暮  
宿夕陽斜君豈不知神仙之渺茫而乃襲迹攻  
飛沙嗚呼人情物態兮秋雲薄浩然長往兮于  
彼天之涯

冬宵引司馬承禎體

夜巖寒兮漏轉沉燈火銷兮幽思深夢難成兮  
對孤衾嗟伊人兮懷遠心孤衾寂寂愁獨旦凍  
雲渺渺結不散欲倩旁人寄此情千里雪迷鳥

跡斷

贈勞畫士

畫工畫人不畫骨圖鬼圖神莫方物尋常欲寫  
眼前人點染姿鬚何鶴突勞君筆法獨超羣願  
虎頭應相彷彿

寧澹齋全集

八卷之二

丈

10514

